

Na osnovu člana 118. Zakona o radu („Službene novine Federacije BiH“, br. 26/16 i 89/18), člana 14., a u vezi sa članom 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine broj: 01-1344-6/2012 od 27.07.2012. godine, i člana 181. Pravilnika o radu Kantonalnog stambenog fonda Sarajevo, broj: 02-03-523/22 od 28.03.2022. godine, direktor Kantonalnog stambenog fonda Sarajevo **d o n o s i**:

**PRAVILNIK
O
IZMJENI I PRAVILNIKA O RADU
KANTONALNOG STAMBENOG FONDA SARAJEVO**

Član 1.

U Pravilniku o radu Kantonalnog stambenog fonda Sarajevo, broj: 02-03-523/22 od 28.03.2022. godine, član 95. mijenja se i glasi:

**“Član 95.
(Tabela koeficijenata)**

Utvrđuju se sljedeći koeficijenti za plaće radnika Fonda:

NAZIV RADNOG MJESTA	KOEFICIJENT
Pomoćnik direktora	2,0
Stručni savjetnik	1,7
Stručni saradnik	1,4
Referent	1,1
Tehnički sekretar	1,1

Član 2.

Ovaj pravilnik stupa na snagu narednog dana od dana dobijanja saglasnosti Upravnog odbora Kantonalnog stambenog fonda Sarajevo i objavit će se na Web stranici Fonda i u “Službenim novinama Kantona Sarajevo”, a primjenjuje se od 01.07.2023. godine.

Broj: 02-03-916/23
Sarajevo, 20.06.2023. godine



Direktor

Akir Šišić, dipl pravnik

OBRAZLOŽENJE

I- PRAVNI OSNOV

Pravni osnov za donošenje ovog pravilnika sadržan je u odredbama člana 118. Zakona o radu ("Službene novine Federacije BiH", br: 26/16 i 89/18), člana 14., a u vezi sa članom 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine broj: 01-1344-6/2012 od 27.07.2012. godine, i člana 181. Pravilnika o radu Kantonalnog stambenog fonda Sarajevo, broj: 02-03-523/22 od 28.03.2022. godine kojima je, između ostalog, propisano:

- da poslodavac donosi i objavljuje pravilnik o radu, kojim se uređuju plaće, organizacija rada, sistematizacija radnih mjesta, posebni uslovi za zasnivanje radnog odnosa i druga pitanja značajna za radnika i poslodavca, u skladu sa zakonom i kolektivnim ugovorom,
- da direktor Fonda donosi pravilnik o radu, plaćama i drugim ličnim primanjima uposlenika Fonda,
- da se Pravilnik o radu Kantonalnog stambenog fonda Sarajevo mijenja i dopunjuje na način propisan za njegovo donošenje.

II- RAZLOZI DONOŠENJA

Razlozi donošenja ovog pravilnika proizilaze iz potrebe da se, s ciljem ublažavanja posljedica nastalih usljed teške materijalne i finansijske situacije u Kantonalnom stambenom fondu Sarajevo (u daljem tekstu: Fond), oblast plaća radnika Fonda prilagodi datim/trenutnim uslovima njegovog poslovanja na način da se i pojedinačne plaće radnika u određenoj mjeri umanje a da se pri tome ne dovodi u pitanje njihova egzistencija.

Umanjenje plaća odnosi se na umanjenje pojedinačnih koeficijenata linearno za svako radno mjesto, dok je osnovica za obračun plaća ostala nepromjenjena.

Izmjena Pravilnika o radu Kantonalnog stambenog fonda Sarajevo u predloženom tekstu predstavlja kolektivni doprinos svih zaposlenih radnika u pravcu stabilizacije otežanog poslovanja Fonda općenito, uključujući i rukovodstvo Fonda (Direktor i Upravni odbor Fonda) kojima su, u prethodnom periodu također, umanjene plaće/naknade u skladu sa Uredbom o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo («Službene novine Kantona Sarajevo», br. 41/16, 46/16, 50/17, 53/18 i 42/20), s obzirom da je Fond zbog naprijed navedenih okolnosti redovno finansiranje poslovanja u najvećoj mjeri preusmjerio iz Budžeta Kantona Sarajevo.

III- PRAVNA RJEŠENJA

Članom 1. vrši se izmjena člana 95. važećeg Pravilnika o radu Kantonalnog stambenog fonda Sarajevo (umanjenje koeficijenata).

Članom 2. propisano je stupanje na snagu ovog pravilnika.

IV-FINANSIJSKA SREDSTVA

Za provođenje ovog pravilnika nisu potrebna dodatna finansijska sredstva u Finansijskom planu Kantonalnog stambenog fonda Sarajevo.